



REPUBLIKA E SHQIPËRISË



QENDRA SHQIPTARE PËR
REHABILITIMIN E TRAUMËS
DHE TORTURËS



KOMISIONERI PËR MBROJTJEN NGA
DISKRIMINIMI

Nr. 177 Prot, datë 30.10.2014

Nr. 932 Prot, datë 30.10.2014

MEMORANDUM BASHKËPUNIMI
NDËRMJET

KOMISIONERIT PËR MBROJTJEN NGA DISKRIMINIMI
DHE
QENDRA SHQIPTARE PËR REHABILITIMIN E TRAUMËS
DHE TORTURËS

KOMISIONERI PËR MBROJTJEN NGA DISKRIMINIMI, si institucion shtetëror i cili funksionon në bazë të ligjit Nr. 10 221, datë 14.02.2010 “Për mbrojtjen nga Diskriminimi”, që këtu e më poshtë do të referohet si Komisioneri (Pala);

Qendra Shqiptare për Rehabilitimin e Traumës dhe Torturës, si person juridik regjistruar me Vendimin nr.52, datë 08.08.1994 të Gjykatës së Shkallës së Parë Tiranë, që do të referohet si QSHRT (Pala);

Duke qenë se Komisioneri është institucioni që siguron mbrojtjen efektive nga diskriminimi dhe nga çdo formë sjelljeje që nxit diskriminimin,

Duke qenë se QSHRT zhvillon veprimtarinë e tij në mbrojtje të viktimave të traumës dhe torturës, keqtrajtimit, akteve çnjerëzore dhe degraduese, ndër të tjera, rehabilitim, advokim,

ndërgjegjësimit publik dhe ndihmë ligjore, me qëllim mbrojtjen e lirive themelore dhe të drejtave universale të njeriut,

Me synimin e përbashkët për respektimin dhe garantimin e të drejtave themelore, cilësisë së jetës dhe standardeve minimale të trajtimit njerëzor,

Me objektiv garantimin e të drejtave dhe lirive themelore të njeriut, sigurimin e të drejtës së çdo personi për një trajtim njerëzor, mbrojtje të barabartë para ligjit, krijimit të mundësive për të ushtruar të drejtat e për të gëzuar një status shoqëror nga çdo formë diskriminimi për personat me aftësi të kufizuara në institucionet e shëndetit mendor;

Me angazhimin për të ndihmuar dhe bashkëpunuar bazuar mbi parimet e reciprocitetit, ndihmës së ndërsjellë dhe mbështetjes në identifikimin e rasteve, referimin për zgjidhje dhe adresimin institucional të rekomandimeve;

Palët,

Bien dakort si më poshtë vijon:

Neni 1

Objekti i Marrëveshjes

- 1.1 Kjo marrëveshje ka si qëllim bashkëpunimin e dy institucioneve për mbrojtjen e të drejtave të të ndaluarve dhe të arrestuarve, në zbatim të kuadrit ligjor të lartpërmendur si dhe standarteve ndërkombëtare që lidhen me respektimin e të drejtave dhe garantimin e mbrojtjes nga diskriminimi të personave me aftësi të kufizuara në institucionet e shëndetit mendor.

Neni 2

Angazhimet e paleve dhe format e bashkëpunimit

- 2.1 Palët angazhohen të bashkëpunojnë në organizimin e fushatave të përbashkëta sensibilizuese dhe trainimeve, me qëllim rritjen e ndërgjegjësimit për mbrojtjen nga diskriminimi, minimizimin e rasteve të diskriminimit, mbrojtjen e të drejtave të personave me aftësi të kufizuara, permirësimin e situatës ligjore të tyre në lidhje me diskriminimin;
- 2.2 Komisioneri angazhohet të bashkëpunojë me QSHRT për rastet e personave me aftësi të kufizuara në institucionet e shëndetit mendor të cilët kanë nevojë për asistencën e Komisionerit gjatë proceseve gjyqësore apo për fillimin e procesit gjyqësor, për rastet kur konstatohet diskriminim.

- 2.3** Palët angazhohen të bashkëpunojnë në organizimin e fushatave të përbashkëta sensibilizuese dhe trajnimeve, me qëllim rritjen e ndërgjegjësimit për mbrojtjen nga diskriminimi, minimizimin e rasteve të diskriminimit, mbrojtjen e të drejtave të personave, përmirësime e situatës ligjore të tyre në lidhje me diskriminimin;
- 2.4** Palët pangazhohen të bashkëpunojnë dhe të shkëmbejnë ekspertizë për përmirëzimin e legjislacionit ekzistues, me qëllim përfshirjen e masave të reja që garantojnë trajtimin e barabartë dhe eliminimin e parashikimeve diskriminuese nga legjislacioni aktual në fushën e aftësisë të kufizuar, nëpërmjet propozimeve dhe rekomandimeve në funksion të mbrojtjes të të drejtave të personave me aftësi të kufizuara në institucionet e shëndetit mendor;
- 2.5** Palët do të informojnë njëra-tjetrën mbi çdo lloj shërbimi që ata do të ofrojnë në të ardhmen në bashkëpunim dhe mbi çdo gjë tjetër që do të gjykohet e nevojshme për një bashkëpunim të frytshëm midis palëve të kësaj marrëveshjeje;
- 2.6** Palët do të udhëhiqen gjithnjë dhe mbi të gjitha nga interesi i qytetarëve të cilët kanë nevojë për zgjidhjen e mosmarrëveshjeve dhe problemeve të tyre, me qëllim që ato të zgjidhen në mënyrën më të përshtatshme;
- 2.7** Palët angazhohen të mbështesin njëra tjetrën në realizimin e veprimtarive të përbashkëta me interes reciprok;
- 2.8** Palët do të bashkëpunojnë edhe në forma të tjera të bashkëpunimit për të cilat mund të bihet dakort në të ardhmen.

Neni 3

Komunikimi i Palëve

- 3.1** Palët komunikojnë në mënyrë të vazhdueshme ndërmjet tyre dhe shkëmbejnë çdo informacion të nevojshëm për përmbushjen e detyrave të tyre. Komunikimi do të kryhet në formë shkresore.
- 3.2** Palët do të caktojnë një person kontakti që do të jetë përgjegjës për zbatimin konkret të Marrëveshjes së Bashkëpunimit.

- 3.3 Personat e kontaktit nga të dyja palët do të jenë të disponueshëm në çdo kohë për komunikimin dhe koordinimin e veprimeve me palën tjetër.

Neni 4

Dispozita të Fundit

- 4.1 Kjo marrëveshje bashkëpunimi lidhet për një afat të pacaktuar dhe ajo do të jetë efektive për sa kohë do të gjykohet si i nevojshëm dhe i domosdoshëm bashkëpunimi midis palëve.
- 4.2 Çdo palë mund të kërkojë zgjidhjen e marrëveshjes, duke njoftuar palën tjetër 30 ditë para.
- 4.3 Marrëveshja mund të ndryshohet, të amendohet ose të revokohet në çdo kohë, bazuar në pëlqimin e ndërsjelltë të paraqitur me shkrim.
- 4.4 Palët në këtë Marrëveshje Bashkëpunimi do të bëjnë të gjitha përpjekjet për ekzekutimin sa më efektiv të të gjitha detyrimeve të marra përsipër prej tyre.
- 4.5 Kjo marrëveshje hyn në fuqi në datën e nënshkrimit të saj.
- 4.6 Kjo marrëveshje bashkëpunimi hartohet në 4 (katër) kopje origjinale, dy për secilën palë.

Nënshkruar në Tiranë, më 30/10 /2014.

**KOMISIONERI PËR MBROJTJEN
NGA DISKRIMINIMI**



**QENDRA SHQIPTARE PER
REHABILITIMIN E TRAUMES
DHE TORTURES**

Adrian Kati

